

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Rainerius C. 17. Iunii.

urn:nbn:de:hbz:466:1-44055

VITÆ SANCTORVM. 17. Junii.
MATRE, & aliis Cælitibus obvius SPONSVS venit:
quibus ducibus in cælos abiens, errare etiam cæca
non potuit. Ex Surio & Lippeloo.

Putasne Filium Dei reputat JESVM, quisquis ille est
homo, qui ipsius nec terretur comminationibus, nec at-
trahitur promissionibus, nec preceptis obtemperat, nec
consiliis acquiescit? S.Bern.in Serm.

S. RAINERIUS C. 17. Junii.

RAINERIVS Pisanus cupidatum æstu abre-
ptus, ad infames adolescentiæ scopulos nau-
fragium innocentiae fecit: enatavit tamen arre-
ptâ pœnitentiæ tabulâ, & Sacerdoti expiandum se
stitit. Sed obstitit noxius pudor, ne omnia probra
deterget: donec Angeli voce silentium incre-
pantis animatus bona fide se reum peregit. Judex
confesso mulctam nullam imposuit, profectus
eius arbitrium cælesti sibi numen reservasse: ex
eo tempore cum finem flendi nullum faceret, oculi
cum lacrimis extillarunt, tanto parentis dolore,
ut vitam abrupturus sibi fuerit, nisi Deus precanti
lumen reddidisset. Publicus deinde pœnitentiæ
præco factus, reversusque Hierosolymis inusita-
tam in paternis ædibus Mephitin est odoratus.
Causam indaganti, ita olere opes, Christus respon-
dit, cæterumque luxus apparatus. Ergo iis quo-
que abdicatis, Hierosolymitanum iter rudi sag-
indutus repetiit, ad durissimas leges vitam omnem
exigens, maximè postquam sobriè cum viro sacra-
to prandentis linguam vespa aculeo fodit, velut
temperantiæ vindex. Posthac enim ad panem &
aquam obsonium nullum adhibuit: condimenta
tamen cælo petebat, saepe Christum cum Matre
habere convivas solitus, quod prodigiis omnibus,

guæ

17. Junii. VITÆ SANCTORVM. 303

quæ plurima patravit, illustrius fuit. Hoc illum contubernium sanctum fecit, miracula probarunt. Mortem an. M. C. LXI. obiit. Nos ejus virtutes taceremus, si sua olim scelera tacuisset. Ex Phil. Fer.

Heu cur erubescis confiteri, quod facere nequaquam erubisti? Melius est coram uno aliquantulum ruboris tolerare, quam in die judicii coram tot millibus hominum gravi repulsâ denotatum tabescere. S. Aug. de Visit. Infir.

S. AVITUS CONF. 17. Junii.

Ostendi utique AVITVM Deus mundo voluit, cui tantam nascenti lucem circumfudit, quantam humani oculi ægrè paterentur. Ipse tamen latebras quæsivit Miætianensi monasterio abditus, magni nominis famam adeò non affectans, ut nullo se libentiùs quam Bruti vocabulo compellari audiret, præter spem votumque ad honoratiora munia productus, fugam iteratò iniit, & internorum avia mapale molitus, sibi Deoque vixit. Sed illum nocte intempestâ cælesti radiantem luce subulcus reperit, nullo magno viri incommodo, nisi in eam usque diem elingui, & multo signo crucis loquendi facultatem dedisset: quid enim ille prolixius postea, quam sui medici laudes loqueretur? Ejus præconio proditus, tertiam fugam parabat, nisi Præsulum auctoritate motus, boni publici rationem privatis commodis portionem habuisset! Ex intervallo cæco lumen, mortuo vitam reddidit, quibus rebus adeò populorum adversus eum accensa studia sunt, ut Aurelianenses Dunensesque mortui ex viis inhiantes, propè ad arma venerint. Jam castra castris opposita stabant, concursumque fuisset, ni Leuisus quispiam summo gene-